



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Caput I. Ex Concilio a Meldensi.

[urn:nbn:de:hbz:466:1-74544](#)

TITULUS XVII.

De raptoribus, prædonibus, incendiariis, & violatoribus Ecclesiarum.

CAPUT I.

Ex Concilio ^a Meldensi.

Dillis autem, qui infra parochiam beneficium, aut hæreditatem habent, & alterius Episcopi parochiani sunt, & de loco ad locum iter faciunt, & rapinas, & deprædationes peragunt, placuit ut excommunicentur, nec ante ex parochia exeant, quām quā perpetrarunt, dignè emendent: quorum excommunicatione seniori eorum, & proprio Episcopo ^b significanda est, ne eos recipient antequam illuc redeant, ubi rapinam fecerunt, & omnia pleniter emendent.

NOTÆ

1. ^a **M**eldensi.) Ex quo Concilio *in can. 2. citatur* textus hic à Burchardo *lib. 11. De retri-*
cap. 45. Carnot. p. 14. cap. 109. Gratiano in cap.
final. 6. q. 3. Bernard. Papien. in cap. 1. hoc tit. in
i. collect. de quo Concilio Meldensi nonnulla ad-
dixi in cap. 1. de confit.

^b *Significanda.) Juxta morem Ecclesiæ, quem probavi in cap. ad reprimendam 8. de officio ordin.*

Ex hoc textu communiter deducitur, ratione delicti reum sortiti forum in loco ipso, ubi deliquit. Quam conclusionem latè exposui *in cap. postulasti, deforo compet.* Ex quo commentario prælens petendum est.

2.

CAPUT II.

^a Eugenius III. univerſo Clero.

Super eo, quod de raptoribus, & Ecclesiarum violatoribus, atque Presbyteris, qui pœnitentiam eis injungere, vel eorum oblationes contra ^b statutum nostrum fulcipere attentaverint, à nobis communi deliberatione statutum est in Concilio cum fratribus nostris: Statuimus in constitutione ipsa Sanctorum Patrum vestigia subsequentes, & authoritate Dei, & Beatorum Apostolorum Petri, & Pauli pariter confirmamus statuentes, ut quicunque ex iis raptoribus, qui in urbe suggestente diabolo violenter surrexerint in rapinam, sive Ecclesiarum violationes, qui manifestè deprehensus est, vel amodò fuerit, nisi prius ablata restituat, si poterit; vel emendandi firam, & plenam securitatem fecerit, pœnitentia beneficium eis ^c penitus denegetur. Si verò usque ad obitum, quod absit, in sua contumacia duraverit, & in extremis positus remedium ^d pœnitentiæ humiliter postulaverit, si emendationem, vel emendandi securitatem præstiterit, ac fidejussores, qui oblata restituere debeant, idoneos dederit, ei pœnitentia, & sepultura ecclesiastica concedatur. Qui autem in sanitate obstinata mente non pœnituerit, vel emendaverit, & in morte securitatem, ac fidejussores, sicut diximus, præstare nequiverit, pœnitentia quidem parum prodesse videtur, sicut credimus: sed ^e viaticum non negetur. Ita tamen ut nullus clericorum ^f sepultura illius interficit, nec ejus ^g eleemosynam præsumat accipere. Quod si quis ^h Presbyterorum, vel clericorum contra statuta nostra in vita, vel in morte pœnitentiam dare, aut sepulturæ illorum interesse, vel eorum eleemosynas accipere i. attentaverit, si hujusmodi rapinae participes inventi fuerint, & ordinis sui damnum irrecuperabiliter patiantur, & ecclesiastico beneficio careant.